



Cyfoeth Naturiol Cymru
Natural Resources Wales

Adnoddau Dŵr **TRWYDDED I**

GRONNI

DŴR

Deddf Dŵr 2003
Deddf yr Amgylchedd 1995
Deddf Adnoddau Dŵr 1991 fel y'i diwygiwyd
gan Ddeddf Dŵr 2003
Rheoliadau Adnoddau Dŵr (Tynnu Dŵr
a'i Gronni) 2006
Gorchymyn Corff Adnoddau Naturiol Cymru
(Swyddogaethau) 2012

NODIADAU PWYSIG

Cadw dogfennau'n ddiogel

Mae'r drwydded yma'n ddogfen bwysig. Efallai bydd yr hawl neu'r caniatâd i dynnu dŵr yn werthfawr ar y tir rydych yn ei ddal. Felly,

- Cadwch y drwydded mewn lle diogel, a hynny mae'n debyg gyda'ch gweithredoedd ac ati.
- Rhowch sylw manwl i'r sylwadau sy'n dilyn ynglŷn â 'throsoglwyddo a rhannu'r drwydded' a 'marwolaeth a mynd yn fethdalwr'.

Pwrpas gwneud hyn yw sicrhau bod yr hawliau a'r caniatâd sy'n perthyn i'r drwydded yn parhau os byddwch yn awyddus i'w throsglwyddo i rywun arall.

Os byddwch yn awyddus i:

- ddiddymu (canslo) y drwydded;
- amrywio (newid/diwygio) y drwydded mewn unrhyw ffordd;
- neu newid eich cyfeiriad cyswllt (ond parhau fel deiliad y drwydded);

ysgrifennwch atom yn swyddfa Cyfoeth Naturiol Cymru yn eich ardal.

Bydd manylion y drwydded yma'n mynd ar gofrestr mae Cyfoeth Naturiol Cymru yn ei chadw. Mae'r cyhoedd yn rhydd i weld y gofrestr. Oni bai fod amgylchiadau arbennig yn atal hynny gall y cyhoedd ofyn hefyd am fwy o fanylion am y drwydded dan Reoliadau Gwybodaeth Amgylcheddol 2004 (cyfeiriwch hefyd at yr adran 'Datgelu gwybodaeth'). Cysylltwch â'r cyfeiriad sydd ar dudalen flaen y drwydded i ofyn am gyngor ar hyn.

Trosglwyddo a rhannu'r drwydded

Os bydd angen trosglwyddo'r drwydded gyfan neu ran ohoni i rywun arall, rhaid i chi gysylltu â Cyfoeth Naturiol Cymru i ofyn am y ffurflenni cais cywir. Nid yw'n bosibl trosglwyddo neu rannu trwyddedau dros dro. Deiliad y drwydded sy'n dal yn gyfrifol am gydymffurfio â thelerau'r drwydded ac am dalu'r costau sydd i'w talu, tan yr adeg y bydd y drwydded wedi cael ei throsglwyddo neu ei rhannu.

Os bydd deiliad trwydded yn marw neu'n mynd yn fethdalwr

Os bydd trwydded wedi cael ei 'breinio' i chi ar ôl marwolaeth deiliad y drwydded neu ar ôl iddo fynd yn fethdalwr (bankrupt), ysgrifennwch at Cyfoeth Naturiol Cymru. Dywedwch wrthym beth yw rhyf i drwydded a'r dyddiad y cafodd ei breinio i chi fel cynrychiolydd personol deiliad y drwydded, neu fel un o'i ymddiriedolwyr. Heb wneud hyn, ni fyddwch yn gallu trosglwyddo'r drwydded yn nes ymlaen.

Proses o drosglwyddo perchnogaeth trwydded yw 'breinio', a throsglwyddo'r cyfrifoldeb drosti. Mae'n digwydd pan na fydd deiliad presennol y drwydded yn gallu parhau i'w chadw, naill ai am ei fod wedi marw neu am ei fod wedi mynd yn fethdalwr.

Nid oes rhaid i chi lenwi ffurflen, ond rhaid i chi ysgrifennu atom i roi gwybod i ni cyn pen 15 mis o ddyddiad cyntaf y broses freinio. Rhowch enwau llawn yr holl gynrychiolyddwyr a'r ymddiriedolwyr, a chyfeiriad cyswllt.

Terfynau amser

Efallai fod terfyn amser ar eich trwydded (os oes un bydd wedi'i nodi ar flaen eich trwydded). Mae gosod terfyn amser yn un o'r amodau cyfreithiol wrth roi trwyddedau newydd i dynnu dŵr. Os bydd rhywun yn gwneud cais i amrywio trwydded, byddwn yn dilyn ein polisi wrth ychwanegu'r terfyn amser.

Ein polisi ar gyfyngu amser sy'n rheoli'r broses o bennu'r terfyn amser. Bydd y terfyn wedi'i gysylltu â'r adolygiad nesaf neu ddilynol o'r adnoddau dŵr dan Strategaeth Rheoli Tynnu Dŵr mewn Dalgylch (strategaeth CAMS).

Ar yr amod bod y drwydded yn bodloni tri phrawf, bydd Cyfoeth Naturiol Cymru yn tueddu at fod yn barod i adnewyddu'r drwydded. Y tri phrawf mae gofyn eu bodloni yw: nad oes lle i amau diffyg cynaliadwyedd amgylcheddol; ei bod hi'n dal yn bosibl cyfiawnhau'r angen dros roi trwydded; a bod y dŵr yn cael ei ddefnyddio'n effeithlon. Bydd yr ystyriaethau statudol arferol yn dal yn berthnasol i unrhyw gais am adnewyddu trwydded.

Os oes terfyn amser ar eich trwydded ac rydych yn awyddus i'w hadnewyddu pan ddaw i ben, bydd angen gwneud cais am drwydded newydd i gymryd lle'r un bresennol. Rydym yn cynghori y dylech anfon eich cais tri mis o leiaf cyn y dyddiad y bydd y drwydded bresennol yn dod i ben. Er mwyn tynnu'ch sylw at hyn yn ddigon buan, byddwn yn eich atgoffa am y drefn tua 18 mis cyn dyddiad olaf y drwydded bresennol.

Os nad yw'n bosibl adnewyddu eich trwydded, byddwn yn gwneud ein gorau i roi chwe blynedd o rybudd o leiaf i chi. Byddwn hefyd yn ceisio rhoi chwe blynedd o leiaf o rybudd os yw'n debygol y bydd y drwydded yn cael ei hadnewyddu dan delerau gwahanol a fydd yn effeithio'n fawr ar ei defnydd.

Efallai na fydd yn bosibl dan amgylchiadau eithriadol i roi chwe blynedd o rybudd. Ymhlith y fath amgylchiadau fydd dyletswyddau statudol eraill fel y Rheoliadau Cynefinoedd, er enghraifft.

Costau

Oni bai fod costau wedi cael eu heithrio'n benodol, efallai byddwn yn codi COST flynyddol am y dŵr mae'r drwydded yma'n rhoi HAWL i chi ei dynnu. Byddwn yn gwneud hyn yn unol â'n cynllun codi costau am dynnu dŵr sydd mewn grym ar y pryd.

Os na fydd y costau'n cael eu talu, efallai byddwn yn diddymu'r drwydded.

Swm ac ansawdd y dŵr

Rhaid i chi beidio â thynnu mwy o ddŵr na'r swm sydd wedi'i bennu yn y drwydded.

Drwy roi trwydded i chi, nid yw Cyfoeth Naturiol Cymru yn rhoi unrhyw fath o sicrwydd y bydd y ffynhonnell o ddŵr yn rhoi'r holl ddŵr mae'r drwydded yma'n rhoi hawl i chi ei dynnu. Nid yw'n rhoi sicrwydd chwaith y bydd y dŵr yn ffit i'w ddefnyddio yn y ffordd rydych yn bwriadu ei ddefnyddio.

Bydd y swm o ddŵr bydd gennych hawl i'w dynnu wedi'i nodi mewn metrau ciwbig. Mae un metr ciwbig yn gyfartal â thua 220 o alwyni.

(Yr union ffigwr ar gyfer trawsnewid yw 1 metr ciwbig = 219.969 o alwyni.)

Ffynhonnell y cyflenwad a'r man lle mae hawl gennych i dynnu dŵr

Gallwch dynnu dŵr o'r man (neu'r manau) sydd wedi'u nodi yn y drwydded. Nid oes hawl gennych i dynnu dŵr o unrhyw fan arall. Os byddwch yn awyddus i gael hawl i dynnu dŵr o fan ychwanegol neu o fan arall, rhaid i chi ofyn i ni am hawl i amrywio'r drwydded.

Y tir lle mae hawl gennych i ddefnyddio dŵr

Os yw'r amod yma'n berthnasol i'ch trwydded chi, dim ond ar y tir sydd wedi'i enwi'n benodol yn eich trwydded y gallwch chi ddefnyddio'r dŵr. Os byddwch yn awyddus i ymestyn neu i newid yr ardal, neu i dynnu'r ardal o'ch trwydded, rhaid i chi ofyn i ni am hawl i amrywio'r drwydded.

Pwrpas y dŵr rydych wedi cael hawl i'w ddefnyddio

Dim ond i'r pwrpas (neu'r pwrpasau) sydd wedi'u nodi yn y drwydded y gallwch ddefnyddio'r dŵr. Os byddwch yn awyddus i ddefnyddio'r dŵr i bwrpas newydd neu i bwrpas gwahanol, rhaid i chi ofyn i ni am hawl i amrywio'r drwydded.

Troseddau

Dan Ddeddf Adnoddau Dŵr 1991, mae'r canlynol yn droseddau:

- tynnu dŵr, neu ganiatáu i rywun arall dynnu dŵr, os nad yw'r gwaith tynnu wedi cael ei awdurdodi yn ôl telerau trwydded neu ei fod yn destun eithriad;
- gwneud unrhyw beth i hwyluso gwaith tynnu dŵr, neu i gynyddu'r swm o ddŵr mae rhywun yn ei dynnu, heb wneud hynny yn ôl telerau trwydded tynnu dŵr neu eithriad;
- methu â chydymffurfio ag amodau trwydded i dynnu dŵr. Nodwch yn benodol y gallai fod yn un o amodau eich trwydded i gadw'r mesurydd neu ddyfais fesur arall mewn cyflwr da. Bydd methu â gwneud hyn yn drosedd;
- ymyrryd ag unrhyw fesurydd neu ddyfais fesur arall sy'n mesur faint o ddŵr rydych yn ei dynnu mewn ffordd sy'n ei rwystru rhag mesur y dŵr yn gywir;
- methu â rhoi gwybodaeth rydym wedi gofyn yn rhesymol amdani i helpu Cyfoeth Naturiol Cymru i gyflawni unrhyw rai o'i dyletswyddau o safbwynt adnoddau dŵr;
- mynd ati'n fwriadol i wneud datganiadau sy'n anwiredd er mwyn cael trwydded neu ganiatâd neu wrth roi'r wybodaeth rydym wedi gofyn amdani.

Mae'r gofynion wrth wneud cais am drwydded yn destun rhai eithriadau.

Mae'r rhain wedi'u rhestru yn y diwygiadau i Ddeddf Adnoddau Dŵr 1991.

Os ydych yn ansicr o gwbl a oes angen trwydded arnoch, cysylltwch â ni yn cyfeiriad sydd i'w gweld ar waelod tudalen flaen y drwydded.

Hawl i apelio

Os ydych yn anfodlon ar ein penderfyniad ar eich cais am drwydded, gallwch apelio.

Os ydych yng Nghymru, dylech ysgrifennu at Lywodraeth Cymru dan ofal yr Arolygiaeth Gynllunio yn:

Adeiladau'r Goron,
Parc Cathays,
Caerdydd,
CF10 3NQ.

Os ydych yn Lloegr, dylech ysgrifennu at yr Ysgrifennydd Gwladol dros yr Amgylchedd, Bwyd a Materion Gwledig, dan ofal yr Arolygiaeth Gynllunio yn:

Room 4/19 Eagle Wing,
Temple Quay House,
2 The Square,
Temple Quay,
Bristol,
BS1 6PN.

Rhaid i chi anfon rhybudd yn nodi eich bod yn bwriadu apelio. Rhaid i chi wneud hynny cyn pen 28 diwrnod i'r dyddiad y cawsoch y drwydded yma (er bod Llywodraeth Cymru a'r Ysgrifennydd Gwladol yn gallu caniatáu cyfnod hirach i rywun anfon y rhybudd). Cyfeiriwch at Ddeddf Adnoddau Dŵr 1991, adran 43.

Datgelu gwybodaeth

Bydd gwybodaeth am y drwydded yma ar gael ar y Gofrestr gyhoeddus mae Cyfoeth Naturiol Cymru yn ei chadw. Mae hawl gan y cyhoedd i ofyn i ni am y 'wybodaeth amgylcheddol' arall mae Cyfoeth Naturiol Cymru yn ei chadw, gan gynnwys gwybodaeth am unrhyw weithgareddau sy'n debygol o effeithio ar 'gyflwr unrhyw ddŵr' neu am unrhyw 'weithgareddau neu gamau gweithredu sydd â'r bwriad o'i ddiogelu'. Byddai hynny'n cynnwys y wybodaeth sy'n ychwanegol at y drwydded ei hun, er enghraifft, unrhyw gytundeb sy'n gysylltiedig â hi. Dan rai amgylchiadau prin mae'n bosibl hawlio y dylai gwybodaeth gael ei chadw'n gyfrinachol. Os byddwch yn awyddus i gael mwy o wybodaeth am gadw gwybodaeth odli ar y gofrestr gyhoeddus am ei bod yn gyfrinachol, ysgrifennwch atom gan ddefnyddio'r cyfeiriad sydd ar waelod tudalen flaen y drwydded. Gwnewch hynny cyn pen 28 diwrnod i'r dyddiad y cawsoch y drwydded yma.



TRWYDDED I GRONNI DŴR

Mae Corff Adnoddau Naturiol Cymru (y cyfeirir ato fel "CNC" wedi hyn) yn rhoi'r drwydded hon i:-

Clwb Rygbi Nant Conwy Cyf ("Deiliad y Drwydded")
d/o Nant Conwy RFC
Pant Carw
Trefriw
Conwy
LL26 0PW

Rhif cofrestru'r cwmni 07746864

Mae'r drwydded hon yn awdurdodi Deiliad y Drwydded i rwystro neu atal llif y dŵr mewndirol a ddisgrifir yn yr Atodlen Amodau (i'r graddau ac yn ôl y dull a awdurdodwyd gan yr amodau hynny) i'r drwydded hon ac yn unol â darpariaethau'r Atodlen honno.

Mae'r drwydded hon yn dechrau o'r dyddiad dod i rym a ddangosir isod a bydd yn parhau i fod mewn grym tan y caiff ei dirymu.

Llofnodwyd:

Dyddiad cyhoeddi.....22 Awst 2025

Dyddiad effeithiol.....14 Awst 2025

Ashley Lansdown
Arweinydd y Tîm Trwyddedu
Y Gwasanaeth Trwyddedu
Cyfoeth Naturiol Cymru
Swyddfeydd Llywodraeth Cymru
Parc Cathays
Rhodfa'r Brenin Edward VII
Caerdydd
CF10 3NQ

Dylid cadw'r drwydded hon yn ddiogel a dylid datgelu ei bodolaeth wrth werthu unrhyw eiddo a'r gwaith cronni y mae'n ymwneud â nhw.

Sylwer: Mae cyfeiriadau at "y map" yn cyfeirio at y map sy'n ffurfio rhan o'r drwydded hon. Mae cyfeiriadau at "CNC" yn cyfeirio at Gorff Adnoddau Naturiol Cymru neu unrhyw gorff olynol.

ATODLEN AMODAU

1. ENW'R DŴR MEWNDIROL I'W GRONNI

- 1.1 Dŵr mewndirol (nant) o'r enw Nant Llyn Glan-gors yn Nhrefriw, Llanrwst, Conwy.

2. PWYNT CRONNI DŴR

- 2.1 Ar y Cyfeirnod Grid Cenedlaethol SH 78257 61608 a farciwyd fel 'Pwynt A' ar y map.

3. DULL A GRADDAU'R CRONNI

- 3.1 Gwaith mewnlifo sy'n cynnwys cored concrit newydd, sgrin Coanda gyda bylchau o ddim mwy na 2 filimetr, rhicyn 'llif annibynnol', siambr, a phibell llifddor borthi trwy ddisgyrchiant 315 milimetr o ddiamedr allanol a reolir gan falf, yn unol â'r manylebau a'r lluniadau:

Dimensiynau a Threfniant Cyffredinol y Mewnlif f3.0 dyddiedig 23/06/2025

Dimensiynau a Threfniant Cyffredinol y Mewnlif f3.0 – Golwg o'r Ochr a Siambr Falf dyddiedig 20/06/2025

y mae copïau ohonynt wedi'u hatodi i'r drwydded hon, neu unrhyw fân newidiadau i'r dogfennau hynny a dderbynnir yn ysgrifenedig gan CNC cyn y dyddiad dechrau adeiladu.

4. AMODAU PELLACH

- 4.1 At ddiben y drwydded hon, bydd cyfeiriadau at 'waith mewnlifo' yn golygu pob gwaith sy'n cynnwys cored concrit newydd, sgrin Coanda gyda bylchau o ddim mwy na 2 filimetr, rhicyn 'llif annibynnol', siambr, a phibell llifddor borthi trwy ddisgyrchiant 315 milimetr o ddiamedr allanol a reolir gan falf.

- 4.2 Bydd Deiliad y Drwydded yn sicrhau, yn ystod y gwaith adeiladu ac unrhyw waith cynnal a chadw dilynol ar y gweithiau mewnlifo, a phan nad yw gwaith tynnu dŵr at ddiben cynhyrchu pŵer yn digwydd, fod llif y dŵr yn Nant Llyn Glan-gors yn gallu parhau i lawr y nant ar bob adeg heb newid maint ac ansawdd y dŵr.

- 4.3 Cyn i'r gwaith a awdurdodwyd gan y drwydded hon ddechrau, bydd Deiliad y Drwydded yn rhoi rhybudd ysgrifenedig i CNC o 28 diwrnod calendr o'i fwriad i ddechrau ar y gwaith awdurdodedig.

- 4.4 Bydd Deiliad y Drwydded yn cadarnhau yn ysgrifenedig i CNC bod y gwaith mewnlifo wedi'i adeiladu yn unol â'r manylebau a'r darluniadau a gyflwynwyd y cyfeirir atynt yn Amod 3.1 y drwydded hon 28 diwrnod calendr cyn i'r cynllun gael ei gomisiynu neu y daw'n weithredol.

- 4.5 Bydd Deiliad y Drwydded yn adeiladu, yn gweithredu ac yn cynnal y gwaith mewnlifo yn unol â'r manylebau a'r darluniadau y cyfeirir atynt yn Amod 3.1 y drwydded hon, gan sicrhau bob amser nad oes unrhyw ollyngiadau na rhwystrau.

- 4.6 Ni chaiff y gwaith mewnlifo a awdurdodwyd gan y drwydded hon ei wneud yn y cwrs dŵr rhwng 17 Hydref a 15 Mai mewn unrhyw flwyddyn.
- 4.7 Cyn cwblhau'r gwaith a awdurdodwyd gan y drwydded hon, bydd Deiliad y Drwydded yn adeiladu plymbwll, â dyfnder isaf o 300 milimetr, ar draws lled y cwrs dŵr yn union i lawr y nant o'r gwaith mewnlifo a nodir yn Amod 3.1, er mwyn sicrhau taith ddiogel i lawr y nant i bysgod.
- 4.8
- (i) Dim ond i awdurdodi'r tynnu dŵr y bydd y drwydded hon yn dod i rym, ar yr amod bod Deiliad y Drwydded wedi adeiladu llwybr osgoi i lyswennod, a gymeradwywyd yn ysgrifenedig gan CNC, o dan Reoliadau Llyswennod (Cymru a Lloegr) 2009, i ganiatáu i lyswennod ifanc a llysywod melyn ac ariannaidd basio heibio Cyfeirnod Grid Cenedlaethol SH 78257 61608.
 - (ii) Bydd Deiliad y Drwydded yn cynnal a chadw, atgyweirio neu ddisodli'r llwybr osgoi i lyswennod er mwyn sicrhau ei fod yn parhau'n effeithiol ar bob adeg.
 - (iii) Rhaid i Ddeiliad y Drwydded gadw cofnodion o waith cynnal a chadw, atgyweirio neu ailosod adeiledd y llwybr osgoi i lyswennod am chwe blynedd a rhaid iddynt fod ar gael yn ystod pob awr resymol i'w harchwilio gan CNC.

GWYBODAETH YCHWANEGOL

Sylwer ar: darperir y manylion isod er gwybodaeth yn unig. Nid ydynt yn ffurfio rhan o'r drwydded.

Y RHESYMAU DROS YR AMODAU

Amodau 4.1, 4.3, 4.4 a 4.5: er mwyn sicrhau bod y gweithiau mewnllif yn cael eu hadeiladu, eu gweithredu a'u cynnal a'u chadw yn unol â'r darluniadau a'r manylebau y cytunwyd arnynt gan CNC yn ystod y cyfnod penderfynu ar y drwydded.

Amodau 4.2 and 4.5: er mwyn sicrhau bod llif yn cael ei gynnal yn y cwrs dŵr er mwyn cynnal y cynefin afonol ar gyfer gwarchod y fflora a ffawna, a sicrhau nad yw amgylchedd y dŵr yn cael ei effeithio yn ystod y gwaith adeiladu a'r gwaith cynnal a chadw dilynol.

Amod 4.3: er mwyn dechrau proses gydymffurfio CNC.

Amod 4.6: er mwyn osgoi niwed i bysgod yn ystod cyfnodau bywyd bregus megis silio, mudo, ymddangosiad ac aeddfedu cynnar.

Amod 4.7: er mwyn osgoi niweidio pysgod sy'n mudo i lawr y nant.

Amod 4.8: er mwyn sicrhau cydymffurfedd â Rheoliadau Llyswennod (Cymru a Lloegr) 2009 a chaniatáu i llyswennod a llyswennod ifanc fynd heibio yn ddiogel o fewn y cwrs dŵr.

NODIADAU PWYSIG

Mae'r drwydded cronni dŵr hon yn hwyluso tynnu dŵr ar gyfer cynllun ynni dŵr a awdurdodwyd o dan rif trwydded cyfresol WA/366/0009/0017.

At ddibenion amodau 3.1, 4.3 a 4.4, bydd Deiliad y Drwydded yn cysylltu â'r canlynol:


Uwch-swyddog, Pobl a Lleoedd
Pobl a Lleoedd y Gogledd-orllewin
Cyfoeth Naturiol Cymru
Ffordd Caer
Bwcle
Sir y Fflint
CH7 3AJ

Rhif ffôn: 0300 065 3000

E-bost: nrp.northmid@cyfoethnaturiolcymru.gov.uk

Llwybrau llyswennod

Gall CNC ystyried ei Ganllaw Arferion Gorau, y Llawlyfr Llyswennod: Llwybrau Llyswennod a Llyswennod Ifanc (neu ganllawiau cyfatebol) wrth gytuno ble, sut a pha fath o lwybr llyswennod y dylid ei osod ac, ynghyd â chanlyniadau unrhyw fonitro, wrth benderfynu a yw'r llwybr llyswennod yn effeithiol ac yn cael ei gynnal a'i gadw'n briodol, ac wrth farnu a oes angen ei gwneud yn ofynnol i'r llwybr llyswennod gael ei atgyweirio neu ei ailosod.





Cyfoeth Naturiol
 Cymru
Natural Resources
 Wales

MAP ACCOMPANYING LICENCE NUMBER / MAP SY'N CYD-FYND
 Â RHIF Y DRWYDDED
 WA/366/0009/0018
 Scale | Graddfa 1:10,000



© Crown Copyright and database rights Ordnance Survey. Natural Resources Wales, 100019741, 2015.
 © Hawffraint y Goron a hawl cronfa ddata Arolwg Ordnans. Cyfoeth Naturiol Cymru, 100019741, 2015.

PLAN VIEW



NOTES:

Fish Pass to be created from large stone which will be set into mass fill concrete resulting in a firm structure.

The rocky ramp pass will resemble natural rapids with each step providing a fall of between 150mm and 250mm (indicative dimensions provided).


The edges will be shaped to avoid any straight edges.


Structure designed to allow 30% residual and 70% abstraction

Weir to be faced with local stone

Weir to be constructed from re-inforced concrete

DOWNSTREAM VIEW





Side View and Valve Chamber



Nant Llyn Glan Gors

REVISIONS	
MM/DD/YY	REMARKS
02/09/2024	Intake Dimensions and GA V2.0
20/06/2025	Intake Dimensions and GA V3.0
---/---/---	...
---/---/---	...
---/---/---	...

A 01

**Hoffech chi ddysgu mwy amdanom ni, neu
am eich amgylchedd?**

Ffoniwch ni ar

0300 065 3000 (Llun–Gwe, 9–5)

e-bost

ymholiadau@cyfoethnaturiolcymru.gov.uk

neu ewch i'n gwefan

www.cyfoethnaturiol.cymru

**llinell gymorth digwyddiadau 0300 065
3000** (24 awr)

llinell rhybuddion llifogydd 0345 988 1188



Environment first: This publication is printed on paper made from 100 per cent previously used waste. By-products from making the pulp and paper are used for composting and fertiliser, for making cement and for generating energy.